

ПАЙШАНБА КУНЛАРИ ЧИҚАДИ

ЎЗБЕКИСТОН РЕСПУБЛИКАСИ БОЛАЛАР ЖАМҒАРМАСИ ҲАФТАЛИГИ

БАҲОСИ 10 СЎМ



Суратчи: Даврон АҲМАД

«ЖОНИМ БОЛАМ...»

САБР ТАГИ— ОЛТИН

Азиз муштарий! Сиз газетимизнинг навбатдаги сони бироз бўлса-да кечикиброқ қўлингизга текканидан ҳайрон қолган бўлсангиз керак. Балки бугунги кундаги тангликка йўйгандирсиз. Кўпам тўғри эмас. «Шарқ» нашриёт-матбаа концерни қўлингизга тегаётган газетларни тайёрлашда катта хизмат кўрсатиб келяпти. Корхона транспорт ва электр маблағларини ҳисобга олган ҳолда бизнинг газетни қўйидаги жадвал асосида тарқатади: «Оила ва Ҷамият» Тошкент шаҳрида кундузги соат 16⁰⁰ гача сотувага чиқарилади, қолган вилоятларда эса (Қашқадарё, Сурхондарёдан ташқари) газетимиз ҳафтанинг жума кўни етказиб берилади.

Қашқадарё, Сурхондарё вилоятларида транспортнинг кечикиши тўғрисида «Оила ва Ҷамият» узоғи билан ҳафтанинг охирида қўлингизга тегади. Сабр қилинг, зеро, сабр тағи олтин дейдилар.

Таҳририят ходимлари эса доимо Сиз истасан ва Сизнинг дилингиздаги гапларни ёритишга ҳаракат қилади. Баҳоли қудрат «теша тегмаган» мавзуларни ҳукмингизга ҳавола этиш бизнинг биринчи навбатдаги вазифамиздир.

НОГИРОН БОЛАЛАРГА ҒАМХЎРЛИК

Бухоро вилоятида икки мингдан ортиқ 14 ёшгача бўлган, ногирон болалар бор.

Вилоят соғлиқни сақлаш бўлими, Болалар жамғармаси вилоят бўлими ногирон болаларнинг саломатлигини тиклаш мақсадида Бухоро шаҳрида Республикада биринчи соғломлаштириш Марказини барпо этдилар.

Марказга қўлай бино ажратишда, қайтадан таъмирлашда, моддий жиҳозлашда вилоят, шаҳар ҳокимликлари, ташкилот, корхоналар ўз ҳиссаларини қўшдилар.

Яқинда вилоят ногирон болалар саломатлигини тиклаш Марказининг очилиш маросими бўлиб ўтди. Энди бу тиббиёт дароҳида вилоятдаги ногирон болалар даволанади. Болаларнинг даволаниши учун барча қўлайликлар яратилган.

Болалар жамғармаси вилоят бўлими бу масканга тўртта ногиронлик болалар арава-часи ҳадя қилди.

А. МУЗАФФАРОВ

УНУТМАНГ!

«ОИЛА ВА ЖАМИЯТ»ГА

ИККИНЧИ ЯРИМ ЙИЛЛИК УЧУН

ОБУНА ДАВОМ ЭТМОҚДА.

ОБУНА ИНДЕКСИ 64654

УНУТМАНГ!



УШБУ СОНДА:

ҲУСНИДДИН ХОЛИҚОВ:

«ХАЙРИЯТ, ТИРИК ЭКАНСИЗ» ДЕБ АЙТИШГАНДИ...

УЛУҒБЕК АБДУЛВАҲОБ:

АМИР ТЕМУРНИНГ ИЛОҲИЙ ҚУДРАТИ

«Оила ва жамият» 17(88)

Полвонларимиз ҳаётидан

ТҮППОНЧА ПОЛВОН

Избосканнинг Лугумбек қишлоғида Тўппонча полвон деган одам бор. Еши олтишлар атрофида. Кўп кунлик курашларга қатнашар бўлса, от чоптириб келган, неча кун олишса олишиб, ҳаммасини йиқитиб, яна от солдириб кетаверган. Қартайиброқ қолганда бир ёш йигит билан тўйда кураш тўшиб, уч марта йиқилган. Йигит учала сафар ҳам чалиб йиқитган. Шунда унинг аччиғи чиқиб: «Агар ҳозирги ёшларнинг кураши шу бўлса, бошқа курашмаганим бўлсин!», дебдию, курашни бутунлай ташлапти.

Кураш ичида юрган одам бирдан кўнгил узиб кетиши қийин. Қаерда кураш бўлса,

оёғи ўша томонларга тортаверибди, лекин кураш тушмапти. Аммо тек тураверишга ҳам юрак кургур кўймапти. У курашларда ҳакамлик қилиб, мард ҳалол курашчиларни ҳимоя қилипти.

Бир куни катта сайлда ўша фирромлик билан уни йиқитган йигит кураш тушиптию Тўппонча полвон ҳакамлик қиладиган бўлипти. Кураш қизигандан қизиб борармиш, иккала полвон ҳарчанд уринса ҳам бир-бирини сира йиқита олмади. Йиқилиб қолишдан қўрққан ҳалиги фирром полвон эски одатини қилиб, рақибини чалиб йиқитиб қўйибди. Шунда ҳакам: «Ҳалол!», деб эълон қилиб юбо-

рипти. Томошабинлар ўртасида қий-чув кўтарилибди. Шу пайт ўсал бўлган фирром полвон ҳакамнинг олдига келиб: «Нега энди ҳалол дейсиз, мен ахир чалиб йиқитдим-ку?», деса, Тўппонча полвон: «Йўқ, ўғлим, сенга ҳалол. Сен ахир ҳамиша шунақа йиқитар эдинг-ку!», депти. Қани энди ер ёрилса-ю, ҳалиги йигит ерга кириб кетса! У ҳакамга бош эгиб: «Жон устоз, мени кечиринг, ўшанда мен сизни эмас, ўз полвонлик номуслими ерга урган эканман», деб узр сўраган экан.

Турсун Али МУҲАММАД



СУРАТДА СУХАНДОН БОТИР ЗИЕВ
ФАРЗАНДЛАРИ БИЛАН

Қандай яшяяпсиз?

«СУХАНДОНЛИК — КАСБ ЭМАС»

(ЎЗБЕКИСТОН ОЙНАИ ЖАҲОНИ СУХАНДОНИ
БОТИР ЗИЕВ ХОНАДОНИДА)

Сухбатдошимизнинг ташрифномаси: Уттиз беш ёшда, мутахассислиги бўйича актёр. Тошкент Давлат Санъат олий билимгоҳини тугаллаган. Уйланган, уч нафар фарзанди бор, ҳаммаси ўғил... Чекмайди. «Оила ва жамият» йўрғаклангандан бери унинг муҳлиси. Касбдошларининг айтишича, «бироз инжиқ».

— Ботир ака, бизга республикамизнинг турли бурчакларидан мактуб йўллаётган кўпчилик муҳлисларимиз, айниқса, ёшлар «қандай қилиб суҳандонлик касбини эгаллашимиз мумкин» деб мурожаат қилишади...

— Худди шундай савол билан ўзимизга учрашадиганлар, сим қоқадиган ёшлар ҳам анчагина. Аввало, шуни таъкидлаш лозимки, суҳандонлик — касб эмас. У қобилиятнинг маҳсули, холос. Бирон жойда суҳандонлик бўйича сабоқ берадиган дар-

гоҳнинг ўзи йўқ. Ойнаи жаҳонда ишлайтган суҳандонларнинг деярли ҳаммаси у ёки бу касбнинг эгалари. Дейлик, Дилором Умарова — олий маълумотли иқтисодчи, Мирзохид ака, Муслимбеклар — Санъат олий билимгоҳини тугатишган. Дилфуза Юсупова — бўлажак маданият ходими. Суҳандон бўлиб ишлашни орзу қилаётган укаларимизга сингилларимизнинг сўровларига келсак, шуни айтишим мумкинки, улар вақти-вақти билан ўтказиладиган танлов-

ларда ўзларини синаб кўришлари керак. Бунинг учун талабгорлар озғани нутқининг энг нозик жиҳатлари — аниқлик, жарангдорлик, шунингдек, адабий тилнинг қодаларига қатъий риоя қилган ҳолда сўзлашиши, матнларни равои ўқий олишни ўрганишлари лозим. Шундан кейингина телерадио компаниямизга қошидаги махсус комиссияга мурожаат этишлари мумкин. Дарвоқе, суҳандон бўлиб ишлаш ниятида юрганлар, албатта. Тошкент шаҳри худудида доимий «прописка»да бўлишлари керак.

— Узингиз ҳам бу ерга шундай танловдан ўтиб келганмисиз?

— Йўқ. Тўғриси айтсам, суҳандон бўлиш ҳаёлимга ҳам келган эмас. 1982 йилда «Мархабо, талантлар!» теле-

Етти кун

САХИЙ МУХБИР

Амир Темури бобомизнинг болалиги ўтган Занжирсарой қалъасини қозиш ва ўрганиш учун «Занжирсарой» жамияти тuzилганини маълум қилган эдик. Қалъанинг қазилишини ўз кўзи билан кўриб қайтган мухбиримиз Урол Ўзбек жамиятга 1000 рубл (ҳарна-да!) ўтказди. ТошДТУ домласи Панжи Эгамберди ўғли ҳам шунча, жарроҳ Хайрулло Қурбон эса нақд 5000 рубл ҳада қилди. Тарихимизни тулпроқдан ажратишни истовчиларга жамият ҳисоб рақамини эслатиб ўтамиз: АПБ, Муборак, 700501.

НАМАНГАНДА ТҮЙ БҮЛДИ

Наманган туман ҳокимлиги «Наврўз» чойхонасида камҳарж оилаларнинг фарзандлари бўлиш саккиз келин-куёвга дабдабали тўй қилиб берди. Келин-куёвларга бошдан-оёқ сарпо кийгизилиб, 5000 сўм қўйилган омонат дафтarchалари, палослар топширилди. Камолдин Раҳимов, Баҳодир Бакиров каби машҳур ҳофизлар тонг отаргача хизматда бўлишди.

САЙДИ УМИРОВНИНГ ҚУВОНЧИ

Бўёғи баҳор... Биласиз, бу фаслнинг нимаси кўп байрами, ўйин-кулгуси кўп. ТошДД «Маданият сайройи»да ҳафтача давом этган «Баҳор — 93» кўриги талабалар кўнглини кўклам ҳавосила тўлдирди. Ва, журналист талабалар голиблики ҳамда 30000 рубллик кўлга киритиб, факультет декани Сайди Умировнинг чексиз қувончи гувоҳи бўлишди.

Дарвоқе, журналистлар энди бир саёҳатламоқчи. Қайғалиги ҳозирча номаълум.

ҚУШНИНГДАН ЭҲТИЁТ БҮЛ

Чироқчи шаҳрининг Лўлигузариде яшовчи Бадал бува Оватовни тунда номаълум шахслар ўлдириб кетишганди. Чироқчилик миршабларнинг тўрт кеча-кундузлик қидиришлари ўз натижасини берди. Марҳумнинг девор-дармиён қўшнилари 33 минг сўм пул учун жонига қасд қилишган экан.

АМРИҚОЛИК... МЕЗБОНЛАР

Океан ортидан тўрт нафар инглиз тили мутахассиси ва икки нафар ишбилармон Қарши шаҳрига ташриф буюришди. Мехмондорчиликка эмас, икки-уч йил шу ерда ишлаш истагида келишган. Муаллимлар шаҳардаги махсус лицейда сабоқ беришади, ишбилармонлар эса корхоналарга боришмоқчи.

100 МИНГ СЎМЛИК ЧОПОН

Нукус шаҳрида хайрия кимошди савдоси ўтказилди. Савдодан тушган барча маблағ етим болаларга, ногиронларга бериладиган бўлди. Бозорда кўпи билан уч-тўрт минг сўмга пулланадиган оддий чопоннинг дастлабки нархи 30 минг деб белги-ланганди. Икки тижоратчи жаноб ўртасидаги «қимошди»да чопоннинг нархи дарров 100 мингга кўтарилди ва уларнинг бири янги чопонни кийиб кетди.

«ПАХТАКОР»ДА БАЙРАМ

Пойтахтнинг «Пахтакор» стадиони олдиде итлар кўриги ўтказилди. Кўриқка Оврүпо миллатига мансуб жаноблар ва хонимлар турли зотга мансуб кўпгагу кучуқларини етаклаб келишди. Голиб чиққан итларга, тўғрироғи, эгаларига қимматбаҳо совғалар топширилди.

танлови учун Фарғона вилояти ҳаваскорлик бадийи жамоалари томонидан тайёрланган дастурда бошловчи бўлиб қатнашдим. Танловдан кейин мени ойнаи жаҳон мутасаддилари синаб кўришди. Шундан сўнг ишга таклиф қилишди. Худога шукр, иш-лаб келяпмиз.

— Кейинги вақтларда студиядан кўра корхона, ташкилотларда кўпроқ кўриняпсиз!

— Ҳа, яқинда ахборот таҳририятига ўтдим. Зарур топшириқларни бажаришга ҳам кўникиб қолдим.

— Қалай, оғирмикан!

— Нолимайман. Лекин, шу нарсани англаб етдимки, мустақил, ижодий иш олиб бориш суҳандонликдан анчайин оғир, лекин мароқлиям.

— Маошингиз қанча?

— Оиламни тебратиб турибди.

— Дўппингиз чиройли экан.

— Маргилонликлар хунук дўппи кийишмайди.

— Уйингиз марказда, баҳаво ерга жойлашган экан. Яқинда кўчиб ўтибсиз шеккили!

— Ҳа, бир ярим йил бўлди. Ўз уйимизга етишгунча тортган азобларимизни ўйласак, ўз-ўзимизга ачиниб кетамиз, Дилоромхон иккови-миз. Шундай оғир кунларда ижарада яшаётганларга тўзим берсин ишқилиб.

— Янгамиз ҳам ишлайдиларми!

— Дилоромхон — болалар дўхтири. Ҳозирча иш-ламайдилар, қақаловимиз бор.

— «Оила ва жамият»нинг қайси жиҳатларини ёқтирасиз, унинг қайси томонлари Сизга маъқул келмайди!

— Ҳафталикни кўлга олишим билан чарчоғим кўтарилади. Дам оламан тўғриси. Баъзида уйга етиб келгунча ҳам сабрим чидамасдан, «Пахтакор»даги дўконга бош суқиб кетаман. Маъқул келмайдиган томони... Келинг, энди, рост гапиришни ҳам ўрганайлик: «Оила ва жамият» менинг энг севган нашрим. Вассалом!

Суҳбатдош:
Рустам БОЙ МУҲАММАД

ҚИСМАТ БИРЛАШТИРГАН ОДАМЛАР

Ҳафтаномаининг 9-сонида берилган «Муқаддас аёл» сарлавҳали мақолани ўқиб туриб ушбу нарсани эътиборингизга ҳавола этиш истаги туғилди. Эҳтимол бу Иқбол опага далда бўлар, Қобил акани, одамлар нима деркин, деган андишалардан мосуво этар.

197... йил... кун

Кеча Ивановодан келдик. Баҳодир иккимиз энг яхши дамларни ўтказган шаҳар билан хайрлашдик. Баҳодир энди Шаҳрихондаги авиатсиз техникумига ҳужжатларини топширмоқчи.

197... йил... кун

Ҳаётимиз жуда яхши. Баҳодир иккимиз бир-биримизни сўзсиз тушунагимиз. Бизлар ҳатто нигоҳларимиз билан сўзлашамиз. Фақат фарзандсизлигимиз бахтимизни кемит қилиб турибди. Кўп даволандим бўлмапти. Бир-икки Баҳодирга ажраллишни таклиф қилдим, лекин у кўнмаяпти.

198... йил... кун

Бугун эрталаб чой ичиб ўтиргандим. Давфатан менда икки бир исён уйғонди. Узимдан, ҳаётдан, ҳамма-ҳамма нарсадан безиб кетдим. Наҳотки бир умр шундай сўппайиб ўтиб кетсак? Қаршимда турган шу одамнинг номи, авлоди, унинг томирларида оққан қон, вужудидоги кучи, руҳининг давомийлиги учун унга фарзанд керак!

— Баҳодир! Утинаман, уйланини!

Шундай деб учинчи марта айтганимдан сўнг у юзимга тарсаки тортиб юборди. Бу шундай оний фурсатда бўлдики, аввалига мен ҳам Баҳодир ҳам эсанкираб қолдик. Кейин у ўзига келгач қўлларини ушлаб олиб, мениям ур, ур, ур деганча тиззамга бошини қўйди...

198... йил... кун

Ҳозир таътил мавсуми бўлгани учун Махфират уйга кетганди. Эртага дарслар бошланади. Бугун келиб қолса керак, йўлдан чарчаб келади, бирон бир овқат қилиб туришин...

Ош қилаялман, сувини солиб қўйдим. Ҳа, айтмоқчи, Махфират ҳақида менинг ҳам-юртим, қуршоблик. Яхши қиз, оғир-босиқ, сочлари тақимига тушади, фақат касалманд қиз шўрликнинг юрагини оператсия қилишган. Оғир ишга ярамайди, кўп оғрийди. Техникумининг иқтисод бўлимида ўқийди. Бизникага тез-тез келиб туради.

199... йил кун

Бугун турмуш қурганимизга ўн саккиз йил бўлди. Кеча кечқурун Баҳодир бир гапни айтди. Махфират Баҳодирга, «Баҳодир ака, сизларга ҳавасим келади, ачинаман ҳам. Ўзингиз биласиз бу дунёда омонат одамман, яшаб кетишимга унчалик ишончим йўқ. Агар худойим қўллаб-қувватлаб турса сизларга бир фарзанд қолдириб кетсам дейман сиздан...»

Кўнглим бўшаб йиғлаб юбордим. Лекин Баҳодир аввалига унамади, мен уни кўндиришига уриндим. Кейинчалик ўзи ҳам кўп мулоҳазаларга борди, шекилли, рози бўлди.

199... йил... кун

Кеча Баҳодирни уйладик. Ҳамма расм-русмларини ўтказиб қўйиб, эрталаб Шаҳрихонга келдим. Улар «Савой»даги уйимизда қолишди. Қизик, бўлиб ўтган бу воқеалар одамлар наздида қанчалик гайритабиий туюлмасин, мен ўзимда ҳеч қандай ўзгариш сезмадим. Ҳаммаси шундай бўлиши керакдай, буни Оллоҳнинг буйруғидай қабул қилдим...

199... йил... кун

Тўйдан кейин бир ҳафта ўтгач хабар олгани борсам, сездимки, Баҳодир ҳам, Махфират ҳам онаси ташлаб кетган боладай мунгайиб қолишибди. Мени кўришибоқ суюниб кетишди. Қайтишимда, биз ҳам Шаҳрихонга кетишга қарор қилдик, деб туриб олишди. На илож бирга қайтдик.

199... йил... кун

Ниҳоят биз кутган кун келди. Биз фарзандли бўлдик — Нурлан дунёга келди. Бизлар бўлса бир-биримизга тобора боғланиб қолдик. Янги меҳмон бир дунё ширин ташвишлар олиб келди.

199... йил... кун

Турмушимиз яхши. Яша Махфират! Яна ўғиллик бўлди. — Мирлан, сўнгга кенжа-тойимиз қиз Дилафрўз. Ҳозир Қўрғонтепа-дамиз. Қариндош-уруғларга яқинроқ бўлайлик, деб кўчиб келдик. Совхоз уй берди. Утирган уйимиз бетон бўлгани сабабми, Махфиратнинг соғлиги ёмонлашди. Ўзга чиқиб пахсадан уй қурсак яхши бўлиб кетар, йўқса Махфират яна оғриб қолади.

199... йил... кун

Ўзининг илқ бир кечидо Баҳодир, Махфират учаламиз гаплашиб ўтиргандик. Баҳодир иккимизга янги ёзган шеърларидан ўқиб берди. Менга битта шеър, айниқса, маъқул бўлди, мана ўша шеър: Тақдир Оллоҳ, тақдир Оллоҳ тоғни яратган, Гўзалликка тоғ бағрига боғни яратган. Боғлар сувсиз қолмасин, деб сойни яратган, Соилар нурсиз қолмасин, деб ойни яратган, Қизман, бизман биргаликда ҳаёт яралган, Бир умрга ёд олсин, деб оят яралган...

Махфиратга ҳам шу шеър ёққанди. Бироқ... уша кун, ўша оқшом бир умр хотирамда муҳрланиб қолди... Махфиратнинг бугун кўз қарашлари негадир масъум эди. Аммо ўзини хотиржам тутарди. Болаларнинг бирини олиб, биринини бағрига босар, эркалатарди. Бизнинг ҳам уйқумиз қочиб кетди. Алламаҳалгача гаплашиб ўтирдик. Махфират ташқарида ётчи истагини айтса, очик ҳавода ётгиси келяпти-да, деб рози бўлиб қўя қолибман. Болаларнинг иккиси мен билан, ўртанчаси Баҳодир билан ётди.

Қанчалик фарёд чексак ҳам... Махфират эртаси кун уйқудан турмади. (Билмам, мени

шу кеч қандай гафлат босди). Шўрликчи-нам бир сўз ҳам демай кулибгина беозор мангу уйқуга кетганди. Уйимизни бахтга, қувончга тўлдирган Махфират ҳаммамизни ташлаб кетди.

199... йил... кун

Бу айрилиқ қадимизни букди. Сенга шунчалар боғланиб қолган эканманки, Махфират сени соғинаман, қўймайман. Болаларинг — болаларимизни ана шу пайтлар бағримга босаман. Сенинг энди ҳаётда йўқлигини эслаб аъзойи-баданим музласа, болаларни кўриб яна уларга талпинаман, авайлайман, ардоқлайман. Демак, сен ҳаётсан Махфират.

Тун ярмидан оққанда қисмат бирлаштирган одамлар ҳаёти ҳақида ёзганим — кундалиқларга нуқта қўяр эканман. Бу одамлар жамикни майда энгил ҳисларни энгиб, бир бутун бўлиб бирлашган одамлар эканлигига амин бўлдим. Йўқса, бунчалик бағри кенгликнинг, бардошининг илдизи қайда эди!

Хўррият ЖАЛИЛОВА,
Андижон вилояти, Қўрғонтепа тумани

Газетингизда эълон қилинган «Муқаддас аёл» сарлавҳали мақолани ўқиганимда бир нарча этлигимдан ўз фарзандлари қаторида тарбиялаган Қивларгул холам кўз олдимга келди. Инсон ўзидоги яхши фазилатни ҳам ёмон фазилатни ҳам авлодга ташлаб кетар экан. Бу дунёда Иқбол опага ўхшаган соф виждонли, ўзи севган одамга содиқ ва оилани муқаддас деб биладиган аёллар ниҳоятда кам. Қобил ака, Сизга истагим болалар уйдан бола олинг. Иқбол опа сизни ташлаб кетмасин. Чунки мен сизнинг ҳаётингизни Иқбол опасиз тасаввур қила олмадим.

Муродилла ТОЖИЕВ,
Қашқадарё вилояти,
Яккабоғ шаҳри

Мақола мазмуни марказида оилавий кечинмалар — яъни, фарзандсизлик доғида нолаю афғон, чекаётган виждон азобида бениҳоя изтироб захрини симириб келаятган мўътабар синглимиз «Иқбол»хоннинг бебахо дунёга келиб, барча орзу умидлари рўё бўлиб келаятганига қарамай, оиласидоги вафодор ёрининг бахтига зодин бўлмайин деб йўл-йўлакай сизга баён этган — оташин фикрлари кўплар қатори каминанинг ҳам кўнгли кошонасини ўта ларзалантириб, кўзларимдан муңчоқ ёшлар аъзои баданимдан «жон тер» чиқазиб юборди.

1. Менинг фикри ожизимча, Қобилжоннинг қайта уйланиши ниҳоятда ҳаётий ва зарурий ҳақиқатдир.

2. Иқболхоннинг инон-ихтиёри ўзининг ҳукми вожибиди.

Юқоридо баён этилган фикрларни умумлаштириб, бу муаммо, жумбоққа ойдинлик киритиш фасли келди, шекилли.

Мен Фарғонаданман. Касбим йўқитувчи. 14 фарзанднинг отасиман. Умр йўлдошим раҳматлик бундан 6 йил олдин вафот этганлар. Узиндан ўтар гап йўқ деганларидек, худо берган қатори фарзандларимга биринчи навбатда она керак. Онасиз уй боласиз бешакдек гап экан. Онанинг қадри айниқса тўй-тўрқинда билиниб қоларкан. Хуллас ҳаммамиз мусулмон фарзандларимиз сизлар бу ишга қандай қарайсизлар? Иқболхонга шундай бахт насиб этса нима дерканлар?

Сизга самимий салом билан сайёи-харакатларингизга умид боғлаб Турдиали ОРТИҚОВ,
Фарғона



«ШУМТАКА»НИНГ ҚУВОНЧИ

Суратчи: Д. АҲМАД

